

Samir Suljević

Zastupnik u Skupštini Kantona Sarajevo

Broj:

Sarajevo 19.06.2019.godine

Dostaviti:

Kanton Sarajevo

Skupština Kantona Sarajevo

n/r Sekretar Skupštine Kantona Sarajevo

Uputiti: Ministarstvu zdravstva Kantona Sarajevo

PREDMET: ZASTUPNIČKA INICIJATIVA

Poštovani!

PRIJEDLOG

Da ambulanta u RTV domu nastavi svoj rad, na način da bude prebačena u nadležnost neke od zdravstvenih ustanova KS koje u skladu sa zakonom mogu vršiti usluge primarne zdravstvene zaštite.

OBRAZLOŽENJE

Radnici Javnih servisa trenutno koriste primarnu zdravstvenu zaštitu kroz usluge ambulante u RTV domu koja trenutno pripada Zavodu za zdravstvenu zaštitu radnika u saobraćaju, a koji prema informaciji Ministarstva zdravstva KS više ne može vršiti usluge primarne zdravstvene zaštite.

U toj ambulanti se lijeći oko 1450 radnika i penzionera obje firme i svi su oni veoma zabrinuti za sudbinu ambulante u RTV domu koja, uz male ljudske resurse (2 zaposlena), odlično ispunjava svoju ulogu i svi korisnici iste su izuzetno zadovoljni uslugom koju dobijaju.

Treba napomenuti da ambulanta u RTV domu postoji od same njegove izgradnje, radila je tokom cijelog rata i predstavlja veoma važan segment u funkcionisanju Javnih servisa.

Zbog izuzetno teškog, specifičnog ali i stresnog posla radnika JS-a neophodno bi bilo da se nastavi rad ambulante u RTV Domu koja je u proteklom periodu, pravovremenom intervencijom medicinskog osoblja spasila radnike JS-a težih posljedica po njihovo zdravlje, a nebrojeno puta su njihove intervencije značile razliku između smrti i života radnika JS-a.

Iz svega navedenog proizilazi da ukidanje ambulante u RTV Domu nije ekonomski opravdano obzirom na veliki broj pacijenata i mali broj osoblja, kao i da Javni servisi djelimično finansiraju rad ambulante. Također, ako se uzme u obzir zdravstveni aspekt, radnici javnih servisa su mišljenja da ambulanta u RTV domu apsolutno ispunjava svoju zadaću prema korisnicima.

S poštovanjem!
Samir Suljević

Zastupnik u Skupštini Kantona Sarajevo